



PORTAVÓS
VI GOVERNUN
KONSTITUSIONÁL



**KOMUNIKADU
BA MEDIA**

Dili, Loron 23 fulan-fevereiru tinan 2016

Forum Ekonómiku Globál I prepara legadu valiozu Timor-Leste nian ba CPLP

Fórum Ekonómiku Globál dahuluk CPLP nian ne'e iha ona dalan ne'ebé loos hodi alkansa ninia objetivu sira, maski molok serimónia abertura, iha kinta-feira loron 25 fulan-fevereiru, iha Sentru Konvensaun Dili, ho delegasaun ne'ebé mai husi país 20 resin, empreza 400 liu maka tau naran ona no pedidu 300 liu ne'ebé rejista ona ba sorumutuk empresa ba empreza.

Fórum ne'e ho objetivu atu esplora poténsia Timor-Leste nian hanesan plataforma kontaktu nian entre Komuidade sira Lia-Portugéz (CPLP-sigla iha lia-portugés) no país sira Sudeste Áziatiku no Pasífiku nian. Timor-Leste apresenta-an nu'udar país ida ho ambiente ida ne'ebé bele kompete ba negósiu no fasilita ba partisipante sira ambiente emprezariál sira CPLP nian, husi Asosiasaun Nasoens Sudeste Aziátiku (ASEAN-sigla iha lia-inglés) no husi rejiaun Pasífiku. Sira ne'e hotu sei kontribui ba dezenvolvimentu setór privadu timoroan nian ne'ebé diversifikadu liután no promove sorumutuk negósiu nian atu haburas interesse projetu konjuntu sira ba oin, investimentu iha Timor-Leste no explorasaun parseria foun sira iha merkadu komún.

Bainhira kaer knaar Prezidénsia rotativa Komuidade Nasaun sira Lia-Portugés iha tinan 2014, Timor-Leste rekomenda ona katak Komuidade fó prioridade ba hametin relasaun ekonómika sira no ba parseria komersiál sira entre país membru sira no reforsa pozisaun CPLP nian iha senáriu ekonómiku globál. Timor-Leste rekoñese ona katak natureza multirejionál grupu nian ne'e riku iha possibilidade kompromisu komersiál nian sira atu esplora.

Membru hotu-hotu CPLP nian bele hetan benefísiu iha abordajen ida ne'e, inklui Timor-Leste, tanba ninia lokalizasaun estratéjika iha rejiaun.

Ministru Estadu, Koordinadór ba Assuntus Ekonómikus no Ministru Agrikultura no Peskas, Estanislau da Silva, hateten katak, "Timor-Leste situa iha zona Asosiasaun Nasoens Sudeste Aziátiku (ASEAN-sigla iha lia-inglés) no iha sentru rejiaun "Ázia-Pasífiku, ne'ebé representa oportuidade únika ida ba país sira CPLP nian hodi esplora oportuidade sira negósiu nian iha parte mundu ida ne'e nian, hodi dada investimentu no harii parseria sira".



Agio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-leste.gov.tl

Forum Ekonómiku Globál I CPLP nian hala'ó iha lora 25 to'ó 27 fulan-fevereiru no hala'ó mós palestra, painél debate nian, apresentasaun interativa, espozisaun produktu no servisu, eventú sosiál, sorumutuk negósiu nian, iha mós inisiativa barabarak. Timor-Leste daudaun ne'e hala'ó liuliu kna'ar ba-ihá setór estratéjiku lima: Minarai no Gás, Agrikultura no Agroindústria, Tasi no Peska, Produsaun, no Turizmu no Infraestrutúra sira.

Portavós Governu Konstitusionál VI nian, Ministru Estadu Agio Pereira, hateten: Governu orgullu tebes hodi sai nu'udar patrosinadór prinsipál no organizadór iha inisiativa pioneira nian ne'e. Forum semana ida ne'e nian fó atenbrani atuhodi hametin ita-nia relasaun ekonómika ho membru sira CPLP nian no ho nasaun sira husi ita-nia rejiaun ne'e. Ida ne'e sei kontribui hodi hatudu Timor-Leste ba oportunidade sira negósiu nian ne'ebé significativu. Lideransa Timor-Leste nian, bainhira fó prioridade ba kooperasaun komersiál no empreezariál no hodi pomove partisipasaun husi ita-nia parseiru sira Komuidade ekonomia globalizada ida, kontribui atu ita-nia Prezidénsia CPLP nian husik legadu ida ne'ebé folin tebes." **REMATA**



Agio Pereira

+670 7723 0011

agio.pereira@cdm.gov.tl

govtmedia@gmail.com

www.timor-leste.gov.tl